



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2705/09
Sarajevo, 15.9.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.9.2009.			
Organizaciona jedinica	Klasifikaciona oznaka	Redni broj	Broj priloga
01	50-1	15	58/09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 98. sjednici održanoj 14.9.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 58. sjednici ovog doma održanoj 22.7.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2705/09
Sarajevo, 14.9.2009. godine

Na 58. sjednici Predstavničkog doma Parlamentarne skupštine Bosne i Hercegovine održanoj 22. 7. 2009. godine, poslanik Husein Nanić postavio je pitanje sljedeće sadržine:

„Ja tražim od Ministarstva za ljudska prava i izbjeglice da mi se dostavi informacija o planu i utrošku sredstava za povratak kao i kriterije pod kojima su sredstva odobrena u 2009. godini, uključujući i sredstva fonda, znači sredstva ona koja su udružena entitetska i sredstva državnog ministarstva“.

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj: 38/02), na 98. sjednici održanoj 14.9.2009. utvrdilo je sljedeći:

ODGOVOR

Ministarstvo za ljudska prava i izbjeglice Bosne i Hercegovine (MLJPI), Federalno Ministarstvo raseljenih osoba i izbjeglice (FMROI), Ministarstvo za izbjeglice i raseljena lica Republike Srpske (MIRLRS), Vlada Brčko distrikta BiH i Fond za povratak, kao ugovorne strane, 25. 5. 2009. godine, **potpisale su Sporazum o udruživanju sredstava u ukupnom iznosu od 46.883.300,00 KM, kojim su se saglasile da jedan dio budžetskih sredstava za 2009. godinu, udruže u funkciji realizacije zajedničkih projekata koje odobri Komisija za izbjeglice i raseljena lica, a kako slijedi:**

- | | |
|--|------------------|
| - MLJPI izdvojiti će iznos od | 3.233.300,00 KM |
| - FMROI izdvojiti će iznos od | 4.000.000,00 KM |
| - MIRLRS izdvojiti će iznos od | 4.000.000,00 KM |
| - Brčko Distrikt izdvojiti će iznos od | 650.000,00 KM |
| - Fond za povratak izdvojiti će iznos od | 35.000.000,00 KM |

Ovim Sporazumom ostavljena je mogućnost da ugovorne strane, ukoliko se to pokaže potrebnim i svrsishodnim, učestvuju sa dodatnim sredstvima iz budžeta za 2009. godinu, a u tom slučaju će biti sačinjen poseban Aneks ovog Sporazuma.

1. Odlukom Komisije za izbjeglice i raseljene osobe BiH o raspoređivanju sredstava za potporu procesu povratka u Bosni i Hercegovini broj: K-16-15-97-2928/09 od 25. 5. 2009. godine, sredstva su raspoređena prema posebnim namjenama, i to:

- Iznos od 20.012.000,00 KM - za potrebe rekonstrukcije individualnih stambenih jedinica povratnika u Bosni i Hercegovini.
- Iznos od 3.186.788,00 KM - za Interventne potrebe povratnika u Bosni i Hercegovini.
- Iznos od 5.000.000,00 KM - za rješavanje pitanja kolektivnih centara i alternativnog smještaja u Bosni i Hercegovini.

- Iznos od 8.383.000,00 KM - za rješavanje pitanja održivosti povratka kroz rekonstrukciju i obnovu komunalne i socijalne infrastrukture i druge vidove održivosti u mjestima realiziranog povratka.
- Iznos od 4.160.000,00 KM - za potrebe rekonstrukcije objekata kolektivnog stanovanja (zgrade – kondominiumi).
- Iznos od 5.491.512,00 KM - za potrebe elektrificiranja povratničkih naselja i stambenih jedinica u Bosni i Hercegovini.
- Iznos od 200.000 KM - za potporu projektu povratka izbjeglica-duševnih bolesnika iz Mađarske u BiH.
- Iznos od 450.000 KM - za potporu projektima nevladinih organizacija koje se bave povratkom, a u cilju realiziranja ciljanih istraživačkih projekata i medijske potpore afirmiranju projekata povratka u BiH.

Također, Komisija za izbjeglice i raseljene osobe BiH, odlučila je da u zavisnosti od identificiranih prioriteta i potreba, može tokom perioda implementacije povećavati, umanjivati i preusmjeravati sredstva raspoređena prema namjenama.

2. U pogledu utroška sredstava, aktuelni status zajedničkih projekata odobrenih na osnovu budžeta iz 2009. godine je sljedeći:

Od dana potpisivanja Memoranduma o razumijevanju, do sada je u koordinaciji sa implementatorima definisano 158 projektnih prijedloga od ukupno 160.

- Realizacija projekata iz oblasti socijalne infrastrukture:

Od ukupno 60 projekata iz oblasti socijalne infrastrukture, do sada su potpisani Sporazumi sa 49 implementatora, te su se samim tim stekli uslovi za prebacivanje finansijskih sredstava na račun istih.

- Realizacija projekata iz oblasti održivog povratka/infrastruktura:

Do sada je ukupno ugovoreno izvođenje radova u sedam općina: Istočni Mostar, Istočni Stari Grad, Istočno Novo Sarajevo, Krupa na Uni, Pale, Prozor-Rama, i Sokolac.

U općinama Donji Vakuf, Foča/Ustikolina (2 projekta), Olovo i Zvorniku je u toku priprema tenderske dokumentacije za objavu Javnog poziva za odabir izvođača radova ili je već objavljen Javni poziv.

- Realizacija projekata sanacija individualnih stambenih jedinica:

Sredstva namjenjena za rekonstrukciju stambenih jedinica prema Odluci Komisije usmjerena su u Brčko Distrikt BiH i 71 identificirane prioritetne općina povratka, i to: FBiH: Bihać, Bosanska Krupa, Bosanski Petrovac, Bosansko Grahovo, Bugojno, Busovača, Čapljina, Dobretići, Drvar, Foča-Ustikolina, Fojnica, Glamoč, Goražde, Kalesija, Kiseljak, Kladanj, Ključ, Konjic, Livno, Lukavac, Neum, Olovo, Orašje, Pale-Prača, Prozor, Sanski Most, Sapna, Sarajevo-Hadžići, Sarajevo-Ilidža, Sarajevo-Novigrad, Sarajevo-Novo Sarajevo, Sarajevo-Stari Grad, Sarajevo-Trnovo, Stolac, Tešanj, Travnik, Tuzla, Usora, Velika Kladaša i Zavidovići; RS: Berkovići, Bijeljina, Bosanski Brod, Bratunac, Čajniče, Derventa, Doboje, Foča, Gacko, Kalinovik, Kotor Varoš, Kupres, Milići, Modriča, Nevesinje, Novi Grad, Pelagićevo, Prijedor, Rogatica, Rudo, Sokolac, Srebrenica, Šipovo, Teslić, Trnovo, Višegrad, Vlasenica, Vukosavlje i Zvornik.

Sve općine su već objavile Javni poziv za odabir korisnika pomoći za sanaciju individualnih stambenih jedinica izuzev općina Stolac, Kladanj i Trnovo.

Komisije za odabir korisnika su počele sa radom u općinama: Tešanj, Tuzla, Zvornik, Modriča, Pelagićevo, Travnik i Kiseljak.

- Realizacija projekata elektrifikacije stambenih jedinica povratnika:

Općine: Berkovići, Bos. Petrovac, Bos. Grahovo, Drvar i Gacko su završile projektnu dokumentaciju. U toku je priprema tenderske dokumentacije za nabavku opreme i izvođenje radova.

U toku je izrada projektne dokumentacije u ostalim općinama.

- Realizacija projekata - kondominijumi:

Prema Odluci Komisije, sredstva namijenjena za rekonstrukciju stambenih zgrada odobrena su za općine: Bosanska Krupa, Bosansko Grahovo, Drvar, Glamoč, Gornji Vakuf-Uskoplje, Mostar, Novo Sarajevo, Odžak, Srebrenica, Travnik i Zenica.

Od ukupno 11 općina, u 4 općine je u toku izrada projektne dokumentacije: Bos. Grahovo, Drvar, Glamoč i Odžak.

U toku je ugovaranje sa izvođačem radova u Srebrenici.

Bos. Krupa priprema tendersku dokumentaciju za objavu Javnog poziva za odabir izvođača radova.

3. Kada su u pitanju kriteriji za raspodjelu, Ministarstvo za ljudska prava i izbjeglice je sačinilo metodologiju za odabir prioriternih područja za implementiranje projekata rekonstrukcije i povratka, koja se bazira na potrebama za povratak i rekonstrukciju.

Pokazatelj potreba za povratak je broj registriranih potencijalnih korisnika pomoći (obitelji) na osnovu javnog poziva MLJPI, a pokazatelj potreba za rekonstrukciju je broj preostalih oštećenih i uništenih stambenih jedinica na osnovu općinskih izvještaja pristiglih u procesu verifikacije podataka u centralnoj bazi podataka.

Pokazatelji potreba za povratak i potreba za rekonstrukciju se jednako vrednuju i područja se sortiraju od najnižeg do najvišeg zbira pozicija, te ovako sortirana lista treba da čini rang listu područja na osnovu koje se određuju prioriterna područja u kojima će se implementirati projekti rekonstrukcije i povratka u BiH.

Opšti kriteriji za raspodjelu pomoći individualnim, krajnjim korisnicima, kao uslovi koji su eliminatorni i obavezujući za sve potencijalne korisnike, propisani su Zakonom o izbjeglicama iz BiH i raseljenim osobama u BiH, kako slijedi:

- a) da je izbjeglica iz BiH, raseljena osoba u BiH ili povratnik,
- b) da je iskazao namjeru za povratkom,
- c) da je utvrđen status vlasništva ili stanarsko pravo nad stambenom jedinicom koja je predmet rekonstrukcije,
- d) da je na dan 30.04.1991. godine imao prebivalište u stambenoj jedinici koja je predmet rekonstrukcije,
- e) da se stambena jedinica koja je predmet rekonstrukcije smatra neuslovnom za stanovanje, u skladu sa odgovarajućim standardima o minimumu stambenih uslova,
- f) da on i članovi njegovog domaćinstva od 1991. godine nemaju na teritoriji BiH drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova,
- g) da nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uslova.

Uputstvom o načinu i procedurama odabira korisnika projekata povratka i rekonstrukcije stambenih jedinica (Sl. Glasnik BiH br. 48/06 od 26. 6. 2006. godine), Ministarstvo za ljudska prava i izbjeglice BiH, dodatno, je propisalo posebne kriterije čije ispunjavanje služi Komisiji za odabir korisnika na opštinskom nivou kao osnov za procjenu potreba potencijalnih korisnika po prioritetima, te im pomaže da izvrše odabir korisnika projekata povratka i rekonstrukcije stambenih jedinica, poštujući načela transparentnosti i jednakopravnosti pristupu pomoći za rekonstrukciju.

Posebni kriteriji su:

- a) Korisnik pomoći se vratio na svoje prijeratno prebivalište i živi u uslovima koji su ispod utvrđenog stambenog minimuma, uključujući i korisnike koji privremeno borave u improvizovanim naseljima, kampovima, kontejnerima i slično.
- b) Korisnik pomoći pripada određenim grupama kao što su:
 - socijalne kategorije,
 - lica s onesposobljenjem/invaliditetom,
 - samohrani roditelji, staratelji ili hranitelji porodice,
 - šehidske porodice/porodice poginulog borca,
 - porodice nestalih lica i bivši logoraši.
- c) Korisnik se nalazi u kolektivnim oblicima zbrinjavanja (tranzitno-prihvatni i kolektivni centri), alternativnom smještaju ili zadovoljava uslove i ima/ostvaruje pravo na alternativni smještaj.
- d) Broj i starosna dob članova domaćinstva koji su se prijavili za povratak na svoje prijeratno prebivalište.

Prilikom odabira prioriteta, državna Komisija vodi računa o entitetskoj, nacionalnoj i drugoj izbalansiranosti, a posebno želimo istaći da je jedno od osnovnih načela koje je promovisano odredbama pomenutog Uputstva, a koje je u duhu evropskih standarda - decentralizovani oblik postupanja, što znači da su veoma široka ovlaštenja i odgovornosti date lokalnoj zajednici, čija je zadaća da utvrdi prioritete i korisnike projekata i programa koji se provode na njenom području.